

KJKP "RAD" SARAJEVO, Paromlinska 57. (u daljem tekstu: "Kupac"), koga zastupa direktor Selim Babić, dipl.ing. građ.

Broj rješenja: UF/I-889/01
Porezni broj: 01700105
Identifikacioni broj: 200316890001
Transakcijski račun broj: 338-900-22080776-49
UniCredit banka d.d. Sarajevo

i

"SVJETLOST - BH PRINT" doo Sarajevo, ul. Ismeta A. Šerbe 3, (u daljem tekstu: „Isporučilac“) koju zastupa direktor Sinanović Nedim

Broj rješenja: 065-0-Reg-14-003780
PDV broj: 202043620009
Transakcijski račun broj: 161-000-0126240079
Raiffeisen bank d.d.

zaključili su

U G O V O R

O ISPORUCI ŠTAMPANIH PRIZNANICA ZA NAPLATU

PREDMET UGOVORA

Član 1.

Predmet ovog Ugovora je isporuka štampanih priznanica za naplatu, prema ponudi broj 03-07/15 od 03.07.2015. godine, prema, Odluci o odabiru najpovoljnijeg ponuđača broj 05-03-04-9344/15 od 22.07.2015. godine donesne po Obavještenju broj 83-1-1-207-3-34/15 objavljenom 12.06.2015. godine i Okvirnom sporazumu od 10.08.2015. godine.

Član 2.

Kupoprodaja robe iz prethodnog člana vršit će se na jedan od slijedećih načina:

- mjesečnom specifikacijom;
- porudžbenicama kupca putem telefaksa i telefona;
- na drugi uobičajeni način.

Porudžbenica ili specifikacija treba da sadrži asortiman, količinu, klasu, i rokove isporuke, puni naziv i adresu sjedišta, identifikacioni broj, naziv banke i broj računa.

CIJENA

Član 3.

Cijene štampanog kancelarijskog i potrošnog materijala su fiksne. Fakturisanje se vrši prema ponudi broj 03-07/15 od 03.07.2015. godine koja čini sastavni dio ovog Ugovora. Očekivana godišnja vrijednost (za 2017./2018. godinu) iznosi 39.880,00 KM bez uračunatog PDV-a.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

GARANCIJA

Član 4.

Prodavac je obavezan dostaviti bankarsku garanciju za dobro izvršenje posla u iznosu od 10% od vrijednosti Ugovora. Rok za dostavljanje garancije je deset (10) dana od dana potpisivanja Ugovora.

ROK ISPORUKE I NASTANAK OBAVEZE PLAĆANJA

Član 5.

Rok isporuke roba iz člana 1. Ugovora je sedam (7) dana, fco skladište Kupca. Prodavac se obavezuje da na svom skladištu u svakom trenutku ima na stanju mjesečnu količinu potrebnih materijala kao i da eventualno djeluje prema potrebi Kupca. Prodavac će isporučivati materijale prema dogovorenoj dinamici u skladu sa potrebama Kupca.

Član 6.

Obaveza plaćanja nastaje danom fakturisanja od strane Prodavca. Prodavac izdaje fakturu čiji je prilog otpremnica potpisana od strane ovlaštenog predstavnika Prodavca i Kupca. Plaćanje se vrši u roku od 95 dana na transakcijski račun Prodavca.

KVANTITATIVNI I KVALITATIVNI PRIJEM I REKLAMACIJA

Član 7.

Kvantitativni prijem roba Kupac vrši prilikom preuzimanja istih, u svom skladištu. Reklamacije na vrstu robe, Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe. Prodavac je dužan da po prijemu zapisnika neodgovarajućih roba, iste povuče od Kupca. Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

IZMJENE I DOPUNE

Član 8.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 9.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno. Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 10.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale do dana raskida Ugovora.

ZAVRŠNE ODREDBE

Član 11.

Sastavni dio ovog Ugovora je Ponuda broj 03-07/15 od 03.07.2015. godine.

Član 12.

Ugovor je sačinjen u šest (6) istovjetnih primjerka, 4 (četiri) za Kupca, a 2 (dva) za Prodavca. Ugovor stupa na snagu danom potpisivanja i traje do 11.08.2018. godine ili do datuma ispunjenja ugovorenih obaveza.

ZA "SVJETLOST - BH PRINT" d.o.o.
Direktor

Sinanović Nedim

ZA KJKP "RAD" d.o.o.
Direktor

Selim Babić, dipl.ing. građ.

SUPOTPISNIK UGOVORA

Broj 05-03-04- /17
Dana 11.08.2017. godine